

## 2 ZON

### **Khe Zon Phenatigap Khergi Gap Khe fharav ganinga buni khare.**

Khe Zisas khotigap ana zin vui gumgi gu mbigi gari guman pana mbe khergi gap khare. Gumgi vhirve mbe kha ndikndiga mbui, ana kha gava khergiap, sios mbe ndi mbarigi. Ana khuen vuzvugi, mbe wari won ndavir harigi ntiri niingv, tivar vhuun mben muunri. Mbe vhirra mba bigi guiguigi gumgi, mbe tuituigip mbe ganiri, Fhe Bakime bunin vhuun, mbe nta domdora suav, nta nzuai gumgi ma. Nza guigira Fhe Bakime buni guari, nza guigira ntan suirav havhargirga. Nza ntan suirav havhargip, nza tuituigira harigi buni bun nzuai gumgi, nza mbe buni mbarararga.

### **Nza Khan Tig Havhargip Fhe Bakimen Buna Vhuuen Suira Havhargip, Tuituigira Mba Harigi Khesarigi Buni Bun Nzuai Gumgi Ganiri.**

<sup>1</sup> Gu Zisas khotigap, ana zin vui gumgi gu mbigi gari guman pan, gu kha gava khergiap, ndu Fhe Bakime won mbuigi mbik, ndu won tari kov, gu nde ndi mbai. Gu guigira khar nzuai, gu guigira wo ndavar nde niingv. Gu nduara won ndavar nde niingv fhuvara. Kha buni guari kanji gumgi

gu mbigi, mbe zam guigira wari won ndavir nde niingi. <sup>a</sup>

<sup>2</sup> Kha buni guari nta nzan ki. Mba buni nta zazera mbara muungip nzan kirga. Nza maan muungiap nza guigira wari won ndavir nde niingi.

<sup>3</sup> Nza kha buni guari zin vui tiv gum nza guigira ndavir harigi ntiri ga ndii tiv, Fhe Bakime gum Zisas Krais, ana Fhe Bakimen Kam, mani fhura nzan kora mbuav, nzan kurkurigi tiv gum manin ndava mitik, guigira khan tigip havhargip nza ndavi vherir kiv, kirar hiri.

*Nza guigira wari won ndavir harigi gumgi gu mbigi ga ndii tiva zin ngiri.*

<sup>4</sup> Gu ndun tari mbari mbararagim, mbe Fhe Bakime nza suangi tiva zin vov, mbe buni guari zin vuim, gu ne mbararagiap, gu guigira ne nzuav ndikndigi.

<sup>5</sup> Ndu Fhe Bakime farasarigi mbik, gu buna muen ndun ki. Gu khuen vuzvugi, nde mba bunen zin ngiri. Mba bunen khare, nza guigira wari won ndavir zam harigi ntiri niinga. Gu khar tivar kamej khergiap, ndu ndi mbav, ne zin ngir zav ndu nzuai fhuvara. Nza fhum kha tiva kanji.

<sup>6</sup> Guigira won ndavar harigi ntiri ga ndii tiv, ana khan muungi. Nza guigira Fhe Bakime suangi

---

<sup>a</sup> **1:1** Gumgi mbari kha ndikndiga mbui, kha gap, ana guigira mbiga guara ndi khergi. Mbe mbari kha ndikndiga mbui, mba mbik ana sios mbe ma, ana mba siosan ki gumgi gu mbigi ma. Ana maan muungi sios thevi, ana phorge rigi mbiga hirinj, ana nzuai kamej ves 13 ki. Mba ves, ana bun nzuai, ana vhira sios mbe ma.

**1:4** 3 Zo 1.3    **1:5** Zo 13.34; 15.12; 15.17; 1 Pi 4.8; 1 Zo 2.7-8; 3.11; 3.23    **1:6** Zo 14.15; 14.21; 1 Zo 2.5; 2.24; 5.3

tivi zin vui. Maan muungiap, nde fhum mbararagi tiv khan nzuai, nde guigira wari won ndavir harigi ntiri ga ndii tiv, nde mba tiva zin ngiri.

*Nza Krai buna vhuuej suira havhargiri.*

<sup>7</sup> Nde mbarara, gumgi vhirve, mbe nza guigu-igi zav, za kha nuiana rui. Mbe Zisas Krai kha nuianan zergap, guma guara gegi, mbe ne khotigi fhu. Maan nzuai gumgi, mbe bigi guigu-igi gumgi ma, mbe vhira Zيسان pana gumgi ma.  
b

<sup>8</sup> Maan muungiap, nde tuitugia wari ganiri. Nde muunv kiv, nza mba nara mbatiga mbuav ndigi bigin, ana fhura mbar ngigi rivgi. Nde khan tigip thigi havhargira, nde za ana ndigira.

<sup>9</sup> Maan muungip, guma the Krai buni suirav havhari thav, fegip harigi bunin mbarav, nta zin ngira, Fhe Bakime mba guma phorgi kegira tukti fhuvara. Guma Krai buni suirav havhargira, Fhe Bakime won Kaman kov, mani mba guma phorga ki.

<sup>10</sup> Nde maan muungip kirim, guma the nde han ziv, ana Krai nza khivigi buni ndiga nde han zi fhu, nde raar vhuun ana niij thari, nde vhira ana ndigip, wari wo phenin ngi thari.

<sup>11</sup> Guma mba khesarigi guma, ana raar vhuun ana ndii, ana anan nara mbatigar kurkurigi.

*Guman pan mbe ganingen vuzvugi.*

---

**1:7** 1 Zo 2.22; 4.1-3    **b** **1:7** Ndu 1 Zon 4.2 ki kamen ganiri.    **1:8**  
Mk 10.29-30; Ga 3.4; Hi 10.32; 10.35    **1:9** 1 Zo 2.23    **1:10** Ef 5.11;  
2 Te 3.6

<sup>12</sup> Gu gavar buni vhirvera khergiap, nde ndi mbae, gu thagi, gu gavar mba buni kherirgen thagi. Gu kha ndikndiga mbui, gu nduara ngiv, nde ganiv, nza wari phorgip buni suaŋv, nza guigira ndikndiga mbatigar muunga.

<sup>13</sup> Ndun mbiga hirih, Fhe Bakime ana won mbuiav, ana farasarigi, anan tari raar vhuun ndu ndii. **C**

---

**1:12** Zo 17.13; 1 Zo 1.4; 3 Zo 1.13-14    **C 1:13** Ndu 2 Zon ves 1 ki kameŋ ganiri.

## **Fhe Bakimen Kaman Kamen Kire New Testament**

copyright © 2001-2004 Pioneer Bible Translators

Language: Kire

Translation by: Pioneer Bible Translators

### **Fhe Bakimen Kaman Kamen in the Kire Language**

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

---

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468